

Siunnersuummut nassuiaatit

Nassuiaatit nalinginnaasut

1. Aallaqqaasiut

2022-mut aningaasanut inatsisissap isumaqatiginninniutigineqarnerani Ineqarnermut Attaveqaasersuutinullu Naalakkersuisoq inissiaqarnermut suliassa qarfimmi aningaasalersuisarnermut aaqqissuussinerup nalilersuiffiginissaata sularinissaanik peqquneqarsimavoq. Nalilersuineq marlunnut avinneqarsimavoq, siullerlu novembari 2023-mi tunniunneqarluni.

Nalilersuinerup immikkoortuani siullermi paasissutissat atortussallu kommuunitit tunniunneqartut tunngavigalugit illuliortitsinerup aningaasalersuisarnermut aaqqissuussinerup kommuunit sularinnittarnerat atuisarnerallu pineqarpoq. Nalilersuinerup immikkoortuani siullermi inerniliunneqartut Namminersorlutik Oqartussat kommuunillu akornanni artornartunut suliassanullu agguataarisarnerup tunngatillugu innersuussutissanut arlalinnut tunngaviliipput.

Nalilersuinerup immikkoortuata tulliani suliassa qarfimmu inatsisit inatsisilerinikkut misissuiffiginissaannik kiisalu aaqqissuussinerit allaffissornikkut aqutsinikkullu kommuunit naalakkersuisoqarfiullu misilittagaannik tunngaveqarput. Kommunit aaqqissuussinerup allaffissornikkut sularinissaanut akisussaasuupput, naalakkersuisoqarfillu inatsisip nassuiarnissaanut akisussaasuulluni.

2. Siunnersuummi immikkoortut pingaarnert

2.1 Najugaqarfissatut atuisarneq

Malittarisassat atuuttut malillugit inissiaq taarsigassarsititsinikkut tunniunneqartoq Illuliortiternermut aningaasalersuisarneq pillugu Inatsisartut inatsisaat naapertorlugu inuussutissarsiornermut atoqqusaanngilaq, matumani inuussutissarsiuutit namminersortut mikinerusut eqqaassanngikkaanni. Inissiaq pisortanit taarsigassarsiat atorlugit inuussutissarsiuutit atorineqarpat taarsigassarsiarineqartoq akiligassanngortinneqassaaq. Illuliortiternermut aningaasalersuisarneq pillugu Inatsisartut inatsisaanni atuuttumi § 1-imut innersuussisoqassaaq, takuuk § 12, § 18 aamma § 24.

Inissiaq Illuliortiternermut aningaasalersuisarneq pillugu Inatsisartut inatsisaat naapertorlugu taarsigassarsiat atorlugit tunniunneqartoq taamaallaat piginnittumut taassumalu inoqutigiivinut imaluunniit attartortumut taassumalu inoqutigiivinut najugassatut atorineqarsinnaanera erseqqissaavigineqassasoq siunnersuutigineqarpoq. Inissiamik

piginnittup imaluunniit attartortup taassumalu inoqutigiivi inuussutissarsiutit annikinnerusut namminersorfiusunik ingerlatsisinnaassasut siunnersuutigineqarpoq. Allannguutissatut siunnersuummut nassuiaatini suut inuussutissarsiutit annikinnerusut namminersorfiusut ingerlatatut isigineqarnersut suullu inuussutissarsiutit annikinnerusut namminersorfiusut isigineqannginnersut sukumiinerusumik nassuiaaffigineqarput.

2.2 Taarsigassarsianik allanngortitsisarneq allatullu pingaarnersiuisarneq

Inissiat nutaat sanaartornissaannut taarsigassarsiat tunniunneqartut pillugit malittarisassat atuuttut malillugit taarsigassarsiaaersut allanngortinnissaannut imaluunniit illuutip allatut pingaarnersiuiiffiginissaanut taarsigassarsiarineqartut piusut pillugit ataqqinninnermut uppersaasarnermut nalunaaruteqarnissamut Naalakkersuisut kommunalbestyrelsillu periarfissaannut malittarisassiortoqarsimangilaq, taakkunungalu ilaapput killeqanngitsumik nalilinnut taarsigassarsititsisarnerit. Qularnaveeqqusiussaqaarluni taarsigassarsititsinermut uppersaatini amerlanerni pisortat taarsigassarsititsisarfinni allatut pingaarnersiuiilluni taarsigassarsiat allanngortittarnissaat ataqqineqarput, taamaattoq taarsigassarsiat akinut naleqqersuummut iluarsisat imaluunniit aningaaserivimmi allanngortiterinernut aamma/imaluunniit allilerinernut ataavartunut naleqarnerulersitsisunulluunniit uppersarneqartunut aningaasartuutitut matusissutissat pinnagit.

Malittarisassat atuuttut malillugit pisortat taarsigassarsiarititaasa inissiat nutaat sanaartornissaannut tunniunneqartut taamaallaat inissiami piginnittut paarlaannerannut atatillugu taarsigassarsiarineqartussat nutaat tunniunneqartut ataqqineqarput. Piginnittut nikinnerini, pisisumit tiguneqartut taarsigassarsiat katinneri aamma niuernerimi aningaasartuutit missiliussat tapiliunneri ilanngaatilugalugit pisinermi akip 90 %-iinik annerpaamik aningaasartaqartut taarsigassarsiat kommunalbestyrelsip taarsigassarsiarititaasa ataqqissavai.

Taarsigassarsiarineqartussat taarsigassarsiaaersut allanngortinnissaannut ilaasumik tunniunneqartut imaluunniit illuutip allatut pingaarnersiuiiffiginissaat, taakkunungalu killeqanngitsumik nalillit taarsigassarsiffiunerat ilanngullugu, pillugit ataqqinninnermut uppersaanissamik nalunaaruteqarnissamut pisortat ataatsimut periarfissinneqassasut siunnersuutigineqarpoq. Taarsigassarsititsinermut killiliussaq inissianut ukiut 20-it angullugit pisoqaassusilinnut niuerfinni inissiap nalingata 90 %-ianut aalajangersarneqassaaq. Tamatuma kingorna taarsigassarsisinnaanermut killiliussaq 80 %-inut appartinneqassaaq.

Inissiamik piginnittup taarsigassarsiaanut nutaanut pisortat taarsigassarsititsinissaat sioqqullugu pingaarnersiuiiffigineqartunut qummut killissarititaq ilanngunneqarsimavoq, illuummi pisortanit taarsigassarsititsiffiusumi sulit qularnaveeqqusiisoqartarnissaata qulakkeernissaa anguniarlugu.

2.3 Iluarsaanernut il.il. taarsigassarsiat ingerlaavartumik tunniuttarnerat

Kommunalbestyrelsi kapitalit 3-4 malillugit inissiat pioreersut iluarsartuunnissaannut, pitsanngorsaaffiginissaannut imaluunniit allilernissaannut annikinnernik taarsigassarsititsisinnaavoq. Malittarisassat atuuttut malillugit inissiat pioreersut iluarsartuunnissaannut, pitsanngorsaaffiginissaannut imaluunniit allilernissaannut taarsigassarsiaritinneqartut suliaq naammassineqareerpat aamma sanaartornernut naatsorsuutit uppersakkat, taarsigassarsinnermut allakkat nalunaarsukkat aamma illuutitut sillimmasiinerit takutinnerisigut siusinnerpaamik tunniunneqarsinnaassapput.

Inissiat pioreersut iluarsartuuttarnissaannut, pitsanngorsaaffigisarnissaannut allilertarnissaannullu sulinerup taarsigassarsiffiusup akunnattumik aningaasaliiffiginissaata anguniarnissaanut taarsigassarsianut qinnuteqartumut unamminartuusinnaavoq. Tassungalu peqatigitillugu sulisartut mikinerusut sulinerit taarsigassarsiffiusut suliarinissaannut aningaasaliinissanik ajornartorsiuteqarput, naak pisortanit taarsigassarsinissaq pillugu neriorsuut pigineqaraluatoq.

Kommunalbestyrelsip inissiat pioreersut iluarsartarnissaannut, pitsanngorsaaffigisarnissaanut imaluunniit allilertarnissaannut piginnaatinneqartinnissaa siunnersuutigineqarpoq, taamaasilluni kommunalbestyrelsip taarsigassarsinissamut neriorsuina akunnattumik aningaasaliinertut isikkoqalissammat.

2.4 Piffissaq sioqqullugu taarsigassarsianik akiliineq - kingumut tunniussisarnermut erniaqartitsineq

Malittarisassat atuuttut malillugit inissiat nutaat sananissaannut Naalakkersuisut kommunalbestyrelsillu taarsigassarsiarititaat piffissaq sioqqullugu akilernerqarsinnaapput. Piffissaq sioqqullugu akiliisitsiniarnermi pisortat taarsigassarsiarititaat Nationalbankip ernialiusaata ilaneratigut 3 %-imik ernialiilluni kingumut nuunneqassapput.

Inissianik nutaanik sanaartornermut taarsigassarsiat ukiut 35-it tikillugit tamarmiusumik akilersuiffissaqarput. Ukiut 20-it siulliit angullugit taarsigassarsiat ernialersugaanngillat akilersuutitaqarnatillu. Tamatuma kingunerisaanik Naalakkersuisut kommunalbestyrelsilu aningaasanik annertuunik inissianiititaqarsinnaavoq. Piffissami sivisuumik akilersuinerup tassungalu ilanngullugu ukiut 20-it tikillugit ernialersuinnginnerup akilersuinnginnerullu kingunerisaanik taarsigassarsisitsinerup nalinga aningaasat naleerukkiartornerat malillugu ingerlaavartumik annikilliarforsinnaavoq.

Kommuunit aningaasalersuisarnermut aaqqissuussinerup nalilersuiffigineranut atatillugu kommunalbestyrelsimit taarsigassarsiaritinneqartut nalinga ernialiinermi erniap atuuttup massakkullu aningaasat naleerukkiartornerata akornanni assignngissutsip kingunerisaanik suujunnaarsikkiartulernerqarumaartut tikkuarsimavaat.

Kingumut nuussinermi erniaritinneqartoq Naatsorsueqqissaartarfiup qaammatitut 12-nut kingullernut atuisunut akinut naleqqersuutitut kingullermik naatsorsuutaanut 1

procentpointimik ilallugit naapertuuttumik ernialerlugit allanngortinneqassasoq siunnersuutigineqarpoq. Ernialiinermut erniap Nationalbankip ernialiinerani massakkut atorineqartumik tungaveqartup aningaasat naleerukkiartornerannut akerliussanngitsaq pingaartinneqarpoq.

2.5 Pisortani qularnaveeqqusiinermut allakkat – kaaviiartitsinermut allakkanik inerteqquteqarneq

Malittarisassat atuuttut malillugit Illuliortitsinernut aningaasalersuisarneq pillugu Inatsisartut inatsisaat massakkut atuuttoq imaluunniit illuliortiternermut aningaasalersuisarneq pillugu siusinnerusukku inatsisaasimasut naapertorlugit Naalakkersuisut kommunalbestyrelsillu qularnaveeqqusiussaarluni taarsigassarsinermut pisortanit qularnaveeqqusiinikkut tunniunneqartut tunisarnissaannut imaluunniit qularnaveeqqusiassanut allagartat tuniniarsinnaanissaannut malittarisassiortoqarsimanngilaq. Tunngaviatigut qularnaveeqqusiinermut allakkat kaaviiartinneqarsinnaapput, paarlattuani kaaviiartitatut atorineqartanngikkaluartut soorlu tamakkuninnga tuniniaasoqartanngikkaluartuq imaluunniit taarsigassarsititsisoqartanngikkaluartuq.

Qularnaveeqqusiinermut allakkat akiitsunullu allakkat Illuliortitsinernut aningaasalersuisarneq pillugu Inatsisartut inatsisaanni massakkut atuuttumi imaluunniit illuliortitsinernut aningaasalersuisarneq pillugit siusinnerusukku inatsisaasut naapertorlugit pisortat taarsigassarsititsinerannut ilaasumik pisortanut tunniunneqartut kaaviiartitanut, qularnaveeqqusiinissanut imaluunniit taarsigassarsititsisarfinniit malersorneqarnissamut pissutaatinneqarsinnaassanngitsut siunnersuutigineqarpoq.

Kalaallit Nunaanni Eqqartuussiviup qularnaveeqqusiinermut allakkanut Naalakkersuisunut kommunalbestyrelsinnullu tunniunneqartunut tammartunut Naalakkersuisut kommunalbestyrelsillu uppernanngitsumik uppernarsaanerat tunngavigalugu peerneqarsinnaassasut siunnersuutip kingunerisussaagaa nalilerneqarpoq, tamanna Kalaallit Nunaanni Eqqartuussivimmi Nalunaarsuisarnermut Allattuiffik naapertorlugi qularnaveeqqusiissutinut allakkat tammartut naapertorlugit pisinnaatitaaffiummat. Tamanna qularnaveeqqusiinermut allagartanut tammartunut atasumik allaffissornermut oqilisaataassaaq.

3. Pisortanut aningaasaqarnikkut allaffissornikkullu kingunerisassat

Nalikilliliinermi erniat Nationalbankip ernialiineraneersut Atuisunut akit naleqqussarnerannut 3 procentpointiusup 1 procentpointimik ilaneratigut sipaarutissap inissiat nutaat sananerannut pisortat taarsigassarsiarititaasa siusissukku akilersinniarnersigut anguneqarsinnaasup annikillinissaa naatsorsuutaavoq. Piffissaq sioqqullugu taarsigassarsianik akiliisarneq allannguutissatut siunnersuut aqutugalugu malittarisassat atuutereersut malillugit periarfissaalluarnaviannngitsut naatsorsuutigineqarpoq. Allannguutissatulli siunnersuutikkut kingumut akiliisarnermut erniaqartitsinerup aningaasat naleerukkiartorneranni

ineriartornermut ingerlaavartumik naleqqussaaffigisarnissaa qulakkeerneqassaaq.
Immikkoortoq 4-mi tullinnguuttumi naatsorsuisimanermut assersuutissaq
innersuussutigineqarpoq.

Allannguutissatut siunnersuutip taarsigassarsiat tamarmiusut annertussusaannut piffissaq sioqqullugu akiliisarnermut sunniuteqarnavianngitsoq nalilerneqarpoq. Tamanna taarsigassarsisussat ataasiakkaat aningaasaqarnikkut atugaanik aningaasalersuinissamullu periarfissaannik tunngaveqassaaq. Taarsigassarsiat akilersinniarneqartussat amerlassusaanni suunngitsumik ikiliartortoqalerumaartoq naatsorsuutigineqassaaq, akiliisitsiniarnissarli taarsigassarsiarineqartut pingaarnertut akiligassaqarfigisaani annerusumik akiliuteqarnikkut pisassagunarpoq.

Kommunalbestyrelsip iluarsaasarnernut allanullu taarsigassarsianik ingerlaavartumik tunniussisarnissaanut piginnaatitsissut pillugu siunnersuuteqarneq suliniutissanik arlalinnik suliaqartarnissamut taarsigassarsianillu amerlanernik tunniussisarnissamut periarfissaqartitsissagunarpoq. Kommuunilli allannguinerup kingunerisaanik suliniutissat qassit suliarineqartussat naatsorsuutaassanersut paasissutissiissutigisimanngilaat.

4. Inuussutissarsiortunut aningaasaqarnikkut allaffissornikkullu kingunerisassat

Nalikilliliinermi erniat Nationalbankip ernialiineraneersut Atuisunut akit naleqqussarnerannut 3 procentpointiusup 1 procentpointimik ilaneratigut sipaarutissap inissiat nutaat sananerannut pisortat taarsigassarsiarititaasa siusissukkut akilersinniarnesisigut anguneqarsinnaasup annikillinissaa naatsorsuutaavoq. Allannguutissatut siunnersuuteqarnermi siusissukkut akiliisarneq malittarisassatut atuuttutuulli pissarsiffiusussaannngilaq. Allannguutissatulli siunnersuutikkut kingumut akiliisarnermut erniaqartitsinerup aningaasat naleerukkiartorneranni ineriartornermut ingerlaavartumik naleqqussaaffigisarnissaa qulakkeerneqassaaq.

Assersuutissaq

Taarsigassarsiat 500.000 kr.-nit ukiut sinnerlugit pisoqaassusillit kingumut akiliisarnermut erniallit kingumut akilerneqartussat ullormi 22. maj 2024 naatsorsuiffigineqartut:

Malittarisassat atuuttut

Kingumut akiliisarnermut erniat: $3 \% + 3,6 \text{ \%-point} = 6,6 \%$

Akileeqqusinermut aningaasartassat naatsorsuiffigineqartut kr. 263.874,80

Siunnersuut

Kingumut akiliisarnermut erniat: $2,2 \% + 1 \text{ \%-point} = 3,2 \%$

Akileeqqusinermut aningaasartassat naatsorsuiffigineqartut kr. 364.899,30

Kommunalbestyrelsip aserfallatsaaliuinernut iluarsaassinernullu mikinerusunut allanullu ingerlaavartumik akiliutissat akilertarnissaannut taarsigassarsianik tunniussisarnissamut periarfissaqarnera kommuunini inissianut aningaasalersuisarnernut taarsigassarsiat atorlugit aningaasalersorneqartunut suliaassanik tiguisarnissamut suliffeqarfinnut mikinerusunut ajornannginnerulersitsisinnaapput. Tamanna inissiat nammineq pigineqartut pioreersut aserfallatsaaliortarnissaannut tunngavissamik pitsaaneruseqarfigerisarnissamut pilersitsisinnaassaaq, tassungalu peqatigitillugu sanasunut, innaallagissiortunut vvs-millu sulialinnut suliffissanik pilersitsiffiusinnaassalluni.

Siunnersuut inuussutissarsiortunut allanullu malunnartumik aningaasaqarnikkut imaluunniit allaffissornikkut kinguneqarnavianngitsoq nalilerneqarpoq.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut, pinngortitamut inuillu peqqissusaannut sunniuteqassanngitsoq nalilerneqarpoq.

6. Innuttaasunut kingunerisassat

Siunnersuut innuttaasunut allaffissornikkut sunniuteqassanngitsoq nalilerneqarpoq.

Naalakkersuisut kommunalbestyrelsillu ataqqinninnermut tulleriarinermullu uppersarsaasinnaanerit pillugu siunnersuut innuttaasut inissiat nutaat sananissaannut pisortanit taarsigassarsiaritinneqartut atorlugit inissianut taarsigassarsititsinerit tamarmiut ingerlaavartumik naleqqussartarnissaannut tamakkiisunngortinnissaannullu periarfissinneqassapput.

7. Kingunerisassat pingaarnerit allat

Siunnersuut innuttaasunut malunnaatilinnik allanik sunniuteqarnavianngitsoq nalilerneqarpoq.

8. Oqartussat kattuffiillu tusarniaaffiginerat

Siunnersuut piffissami aggustip 12-iani 2024-miit, septembarip 9-ia 2024 tungaanut Naalakkersuisut tusarniaanermut nittartagaanni tamanut tusarniutigineqarsimavoq, tamatumalu saniatigut tusarniaaffigisartakkanut toqqaannartumik nassiunneqarsimalluni.

Tusarniaanernut akissutini tiguneqartuni pingaarnertut immikkoortut ilanngussaq 2-mi taaqqinneqarput oqaaseqarfigineqarlutillu.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Matumani inissiat sananissaannut, iluarsartuunnissaannut, pitsanngorsaaffiginissaannut allilernissaannullu taarsigassarsiarineqartut kingunerisussaammassuk inissiaq taarsigassarsisumit taasumalu inoqutigiivinit imaluunniit attartortumit taassumalu inoqutigiivinit najugaqarfissatut atornagu siunertanut allanut atorneqarsinnaannginnissaa erseqqissaatigineqarpoq.

Assersuuteqassagaanni inissiaq atorlugu inuussutissarsiummik ingerlatsisoqarsinnaanngilaq, tassunga inissiamik sananissamut, iluarsartuussinissamut, pitsanngorsaaniissamut imaluunniit alliliinissamut pisortat taarsigassarsianik tunniussaqaarsimatillugit. Inuussutissarsiummi inissiap suliffeqarfittut inuussutissarsiutitut atorneqarnera pineqarpoq, matumani suliffeqarfik sinneqartoorfiulluni imaluunniit amigartoorfiulluni ingerlanneqarnersoq apeqqutaanani. Taamaammat inissiaq tamakkerlugu ilaannaaluunniit atorlugu inuussutissarsiummik ingerlatsisoqartillugu taarsigassarsiniartunut itigartitsisoqarsinnaassaaq.

Inissiami najugallip taassumalu inoqutigiivisa inissiamit inuussutissarsiummik mikinerusumik ingerlatsisinnaanerat matumani mininneqarpoq. Inissiap najugassiatut atorneqarneqarnissaa salliutinneqarnersoq Naalakkersuisut aamma kommunalbestyrelsip naliliiffigissavaat. Nalinginnaasumik inissiami inuussutissarsiummut mikisumik namminersorfiusumut inuussutissarsiuteqarfik inissiap ilaatut taamaallaat annikitsuaraassaaq. Inuussutissarsiutinut mikinerusunut namminersorfiusunut assersuutitut taaneqarsinnaapput kukkunersuiinermi allaffik mikinerusooq imaluunniit ussassaarinermi allaffik, tassani sullitatut atassuteqarfigisat illumiit anisarlutik, ulluunerani paaqqinnittoq namminersortoq imaluunniit isikkanik passussisoq. Inuussutissarsiutit mikinerusut namminersorfiusut najugaqartumiit taasumalu inoqutigiivinit ingerlanneqartartussaammata atorfilinnik inissiami suliaminnik ingerlatsisunik atorfinitseqqusaanngilaq.

Inissiamik pilersuinerup saniatigut inissiap, soorlu unnuiffiullunilu ullaakkorsiortarfittut, airbnb-itut, tikeraartunut angerlarsimaffittut, tikeraartunut ineeqqatut, akunnittarfeeqqatut, ineeqqatut, akunnittarfittut allatulluunniit, siunertanut allanut atorneqarnera, najugaqarfittut atorneqarneratut isigineqassanngilaq. Assinganik assersuutigalugu ineeqqamik suliffeqarfiup sulisut, tikeraartut imaluunniit angalasut inissaqartinnissaannut attartortinneqarnera inissiatut atorneqartussatut ilaasussaannngilaq. Taamatut atuineq inuussutissarsiutigalugu suliffeqarfittut isikkoqanngilaq inuussutissarsiutillu namminersortutut isigineqarnani.

Nr. 2-mut

Aalajangersakkami inissiat nutaat sananissaannut taarsigassarsiat tunniunneqartut pineqarput. Kommunalbestyrelsip inissiat nutaat sananissaannut tunniunneqartut taarsigassarsiat allanngortinnissaannut ilaasumik aamma killeqanngitsumik nalillit taarsigassarsiffiginerannut ilaasumik inissiamik piginnittup taarsigassarsiareriigaanut ataqqinnissasut siunnersuutigineqarpoq.

Imm. 1-imut.

Kommunalbestyrelsip taarsigassarsiat pioreersut allanngortinnerannut imaluunniit allatut pingaarnersiuffiginerannut ilaasumik taarsigassarsianut siulianiittunut inissiamik piginnittumiit taarsigassarsiarineqartunut tulleriiaarinermik ataqqinninnerlu uppersaasannaanera siunnersuutigineqarpoq, taakkununngalu illuutip killeqanngitsumik nalinganut taarsigassarsititsisarneq ilaavoq.

Aalajangersagaq kommunalbestyrelsimut piginnaatitsissutaavoq. Kommunalbestyrelsip taarsigassarsianut siuliani taaneqartunut tulleriiaarinermik ataqqinninnerlu uppersaasarnissaanut inissiamik piginnittoq inatsisitigut piumasaqarsinnaanngilaq. Tamanna kommunalbestyrelsip suleriaasianik pisariaqarsimappallu taarsigassarsiaaersunut oqartussap qanoq annertutigisumik tulleriiaarinissamut ataqqinninnermullu uppersaasannaaneramik tunngaveqarpoq. Kommunalbestyrelse assersuutigalugu tulleriiaarinermut ataqqinninnissamullu uppersaasoqannginnissamik aalajangersinnaavoq. Kommunalbestyrelse tulleriiaarinissamut ataqqinninnissamullu uppersaasarnermik allaffissornikkut suleriaasissaq pillugu ataatsimut aalajangeereerpat qinnuteqaatit ataasiakkaat tigussaasumik immikkullu nalilersuiffigineqartariaqassapput.

Pisortat taarsigassarsianut siulianiittunut tulleriiaarisarnermut ataqqinninnermullu qummut killissarititaat ima naatsorsuiffigineqassapput pisortani taarsigassarsiarineqartut qularnaveeqquserneqartassasut, tamakkulu inissianut ukiut 20-it ataallugit pisoqaassusilinnut massakkut niuerfinni inissiap nalingata 90 %-iata iluaniittunut tunngapput. Inissianut ukiut 20-it sinnerlugit pisoqaassusilinnut qummut killissarititaq inissiap massakkut niuerfinni nalisisaata 80 %-ianiippoq.

Taarsigassarsiaaersut nalingata naatsorsuiffiginissaani qularnaveeqqusiinermut allagartap massakkut pingaarnertut atuuffia atorneqassaaq, matumani pingaarnertut akiligassa qarfimi akilersuutaasinnaasut eqqarsaatiginagit. Piginnittup qularnaveeqqusiinermut allagartaatai akiitsut pinngorsimasut eqqarsaatiginagit qularnaveeqqusiinermut allagartap massakkut nalinga ilanngullugu naatsorsuiffigineqassaaq.

Kommunalbestyrelse taarsigassarsiaaersunut tulleriiaarisarnermut ataqqinninnissamullu nalunaaruteqarsinnaanngillat pingaarnertut akiligassa qarfik pineqartumut assersuutigalugu akinik ingerlaavartumik nalimmassaanernut imaluunniit ernialersuinernut iluarsiinissaanut atorneqarsimappata.

Imm. 2-mut

Kommunalbestyrelsimiit taarsigassarsiarineqartut inissiami qularnaveeqqusiinikkut taarsigassarsianut allaniittunut imaluunniit kingusinnerusukkut pisunut tunngatillugu pingaarnersuiinikkut allanngortinnagit qulakkeerneqassapput.

Taamaammat kommunalbestyrelsip tulleriiaarinissani ataqqinninnissaanilu taarsigassarsiat allat kinguneruttullu atorlugit assinganik nukingisaarinissamut ataqqinninnissamullu nalunaarutigineqarnissaat apeqqutaassasut siunnersuutigineqarpoq.

Illuutitut pisoqaanerusunut Naalakkersuisuniit kommuuniniillu taarsigassarsianut tunniunneqartunut tunngatillugu pisortani oqartussaasut taakkua marluullutik tulleriiaarinissanut ataqqinninnissanullu taakkualu annertussusaannut nalunaaruteqartarnissaq pillugu isumaqatigiittarnissaat anguneqartussaassaaq.

Imm. 3-mut.

Illuutip pisoqaassusaa illuutip sananeqarfigisimasaani atuutilersitsinissamut akuersissummut ulluliuunneqartoq tunngaviliunneqartoq atorlugu aalajangersarneqartussaavoq.

Imm. 4-mut

Inissiap massakkut niuerfinni nalinganik naleqquttumik nalilersuinissaq anguniarlugu illunik tuniniaasartuniit marlunniit nalilersuineq pissarsiarineqassaaq, taakkualu illuutini aalajangersimasunik najugassatut pisisarnermik tuniniaasarnermillu suliaqarlutik Kalaallit Nunaanni suliffeqarfimmik ingerlatsisuussapput.

Nr. 3-mut

Aalajangersakkatigut erseqqissarneqarpoq inissiat nutaat sananissaannut taarsigassarsititsinerit kingunerisussaammassuk, inissiap taarsigassarsisumit imaluunniit attartortumit taassumalu inoqutigiivinit najugarineqarnissaata saniatigut siunertanut allanut atorneqaqqusaanngimmat, matumani tassunga suunngitsumik minitarnikkut.

Inissiap sananissaanut pisortat taarsigassarsianik tunniussisimatillugit inissiamiit inuussutissarsiummik ingerlatsisoqarsinnaanngilaq. Inuussutissarsiummi pineqartoq tassaavoq, inissiaq suliffeqarfittut inuussutissarsiorfittut atorneqassasoq, matumani suliffeqarfik sinneqartoorfiulluni imaluunniit amigartoorfiulluni ingerlanneqarnerisooq apeqqutaanani. Taamaammat inissiaq tamakkerlugu ilaannaaluunniit atorlugu inuussutissarsiummik ingerlatsisoqartillugu taarsigassarsiarineqartut akiligassanngortinneqartussaapput.

Inissiami najugallip taassumalu inoqutigiivisa inissiamit inuussutissarsiummik mikinnerusumik ingerlatsisinnaanerit matumani mininneqarpoq. Inissiaq annerusumik najugaqarfittut atorneqarneranik kommunalbestyrelsi nalilersuilluartussaavoq. Nalinginnaasumik inissiami inuussutissarsiummut mikisumik namminersorfiusumut inuussutissarsiuteqarfik inissiap

ilaatut taamaallaat annikitsuaraassaaq. Inuussutissarsiutinut annikitsunut namminersorfiusunut assersuutitut taaneqarsinnaapput kukkundersiuinermi allaffik mikinerusooq imaluunniit ussassaarinermi allaffik, sullitatut atassuteqarfigisat illumiit anisarlutik, ulluunerani paaqqinnittoq namminersortoq imaluunniit isikkanik passussisoq. Inuussutissarsiutit mikinerusut namminersorfiusut najugaqartumiit taassumalu inoqutigiivinit ingerlanneqartartussaammata atorfilinnik inissiami suliaminnik ingerlatsisunik atorfinitseqqusaanngilaq.

Inissiamik pilersuinerup saniatigut inissiap, soorlu unnuiffiullunilu ullaakkorsiortarfittut, airbnb-itut, tikeraartunut angerlarsimaffittut, tikeraartunut ineeqqatut, akunnittarfeeqqatut, ineeqqatut, akunnittarfittut allatulluunniit, siunertanut allanut atorneqarnera, najugaqarfittut atorneqarneratut isigineqassanngilaq. Assinganik assersuutigalugu ineeqqamik suliffeqarfiup sulisut, tikeraartut imaluunniit angalasut inissaqartinnissaannut attartortinneqarnera inissiatut atorneqartussatut ilaasussaannngilaq. Taamatut atuineq inuussutissarsiutigalugu suliffeqarfittut isikkoqanngilaq inuussutissarsiutillu namminersortutut isigineqarnani.

Nr. 4-mut

Aalajangersakkatigut erseqqissarneqarpoq inissiat pioreersut iluarsartuunnissaannut, pitsanngorsaaffiginissaannut allilernissaannullu taarsigassarsititsinerit kingunerissammasuk inissiap najugarineqarnerata saniatigut taarsigassarsisumit taassumalu inoqutigiivinit imaluunniit attartortumit taassumalu inoqutigiivinit siunertanut allanut atorneqaqqusaannginnissaa.

Inissiamiit pisortat iluarsaanissanut, pitsanngorsaalanissanut imaluunniit alliliinissanut taarsigassarsititsisimatillugit inuussutissarsiummik ingerlatseqqusaanngilaq. Inuussutissarsiummi pineqartoq tassaavoq, inissiaq suliffeqarfittut inuussutissarsiorfittut atorneqassasoq, matumani suliffeqarfik sinneqartoorfiulluni imaluunniit amigartoorfiulluni ingerlanneqarnerusooq apeqqutaanani. Taamaammat inissiaq tamakkerlugu ilaannaaluunniit atorlugu inuussutissarsiummik ingerlatsisoqartillugu taarsigassarsiniartunut itigartitsisoqarsinnaassaaq.

Inissiami najugallip taassumalu inoqutigiivisa inissiamit inuussutissarsiummik mikinerusumik ingerlatsisinnaanerat matumani mininneqarpoq. Inissiaq annerusumik najugaqarfittut atorneqarneranik kommunalbestyrelsi nalilersuilluartussaavoq. Ataatsimut isigissagaanni inissiami inuussutissarsiummut mikisumut namminersorfiusumut inuussutissarsiuteqarfik inissiap ilaatut taamaallaat annikitsuaraassaaq. Inuussutissarsiutinut mikinerusunut namminersorfiusunut assersuutitut taaneqarsinnaapput kukkundersiuinermi allaffik mikinerusooq imaluunniit ussassaarinermi allaffik, tassami sullitatut atassuteqarfigisat illumiit anisarlutik, ulluunerani paaqqinnittoq namminersortoq imaluunniit isikkanik passussisoq. Inuussutissarsiutit mikinerusut namminersorfiusut najugaqartumiit taassumalu inoqutigiivinit ingerlanneqartartussaammata atorfilinnik inissiami suliaminnik ingerlatsisunik atorfinitseqqusaanngilaq.

Inissiamik pilersuinerup saniatigut inissiap, soorlu unnuiffiullunilu ullaakkorsiortarfittut, airbnb-itut, tikeraartunut angerlarsimaffittut, tikeraartunut ineeqqatut, akunnittarfeeqqatut, ineeqqatut, akunnittarfittut allatulluunniit, siunertanut allanut atorneqarnera, najugaqarfittut atorneqarneratut isigineqassanngilaq. Assinganik assersuutigalugu ineeqqamik suliffeqarfiup sulisut, tikeraartut imaluunniit angalasut inissaqartinnissaannut attartortinneqarnera inissiatut atorneqartussatut ilaasussaannngilaq. Taamatut atuineq inuussutissarsiutigalugu suliffeqarfittut isikkoqanngilaq inuussutissarsiutillu namminersortutut isigineqarnani.

Nr. 5-imut

Aalajangersakkatigut erseqqissarneqarpoq inissiap soraarnerussutisialimmit pigineqartup inissiatullu atorneqartup pioreersup iluarsartuunnissaanut taarsigassarsiaritinneqartut kingunerissammasuk inissiap soraarnerussutisialimmiit taassumalu inoqutigiiviinit najugaqarfigineqarnerata saniatigut siunertanut allanut atorneqaqqusaannginnissaa.

Inissiamiit inissiap iluarsarnissaanut pisortat taarsigassiisimatillugit inuussutissarsiummik ingerlatseqqusaanngilaq, matumani tullinnguullutik taaneqartut minillugit. Inuussutissarsiummi pineqartoq tassaavoq, inissiaq suliffeqarfittut inuussutissarsiorfittut atorneqassasoq, matumani suliffeqarfik sinneqartoorfiulluni imaluunniit amigartoorfiulluni ingerlanneqarnerasoq apeqqutaanani. Taamaammat inissiaq tamakkerlugu ilaannaaluunniit atorlugu inuussutissarsiummik ingerlatsisoqartillugu taarsigassarsiniartunut itigartitsisoqarsinnaassaaq.

Soraarnerussutisiallip taassumalu inoqutigiivi inissiamiit inuussutissarsiummik namminersortumik mikinerusumik ingerlatsisinnaanerat matumani mininneqarpoq. Inissiaq annerusumik najugaqarfittut atorneqarneranik kommunalbestyrelsi nalilersuilluartussaavoq. Ataatsimut isigissagaanni inissiami inuussutissarsiummut mikisumut namminersorfiusumut inuussutissarsiuteqarfik inissiap ilaatut taamaallaat annikitsuaraassaaq. Inuussutissarsiutinut mikinerusunut namminersorfiusunut assersuutitut taaneqarsinnaapput kukkunersiuiinermi allaffik mikinerusooq imaluunniit ussasaarinermi allaffik, sullitattut atassuteqarfigisat illumit anisarlutik, ulluunerani paaqqinnittoq namminersortoq imaluunniit isikkanik passussisoq. Inuussutissarsiutit mikinerusut namminersorfiusut najugaqartumiit taassumalu inoqutigiivinit ingerlanneqartartussaammata atorfilinnik inissiami suliaminnik ingerlatsisunik atorfinitsitseqqusaanngilaq.

Inissiamik pilersuinerup saniatigut inissiap, soorlu unnuiffiullunilu ullaakkorsiortarfittut, airbnb-itut, tikeraartunut angerlarsimaffittut, tikeraartunut ineeqqatut, akunnittarfeeqqatut, ineeqqatut, akunnittarfittut allatulluunniit, siunertanut allanut atorneqarnera, najugaqarfittut atorneqarneratut isigineqassanngilaq. Assinganik assersuutigalugu ineeqqamik suliffeqarfiup sulisut, tikeraartut imaluunniit angalasut inissaqartinnissaannut attartortinneqarnera inissiatut atorneqartussatut ilaasussaannngilaq. Taamatut atuineq inuussutissarsiutigalugu suliffeqarfittut isikkoqanngilaq inuussutissarsiutillu namminersortutut isigineqarnani.

Nr. 6-imut

Taarsigassarsinissaq pillugu qinnuteqartoq suliffeqarfiusimappat imaluunniit ingerlatseqatigiiffiusimappat suliffeqarfiup imaluunniit ingerlatseqatigiiffiup CVR-normua nalunaarutigineqartussaammat aalajangersakkatigut erseqqissarneqarpoq.

Nr. 7-imut

Kina sanaartornernut naatsorsuutini uppersarsaassanersoq aalajangersakkatigut erseqqissarneqassaaq.

Taarsigassarsisoq sanaartukkanut naatsorsuutini inaarutaasunik uppersarsakkanillu inuup attuumassuteqanngitsup suliaqartarnissaanut atsiortarnissaanullu akisussaasuvoq.

Sanaartukkanut naatsorsuutit siunissami taamaallaat kukknersiuisartumit nalunaarsorneqartumit imaluunniit naalagaaffimmit akuerisaasumit imaluunniit Kalaallit Nunaanni aningaaserivimmit uppersarneqartartussaammata erseqqissarneqarpoq.

Sanaartukkanut naatsorsuutini aningaasartuutit tamarmik sulinermit tapiiffigineqartussamut atasut ilaassaanerat allannguutissatut siunnersuummi erseqqissarneqarpoq. Inissianik nutaanik sanasoqarnissaanut tunngatillugu matumani sukaterinissaq pineqarpoq. Sanaartukkanut naatsorsuutini inissiat nutaat sananeranni aningaasartuutit tamarmiusut sanaartornissamut aningaasartuutissat kvadratmeterimut 20.000 kr.-usut annerpaamik taarsigassarsiffigineqarsinnaasut qaangiisimanerat uppersarneqaannartartoq allaffissornikkut sulinermit akuerineqartarsimavoq.

Nr. 8-mut

Inissiat pioreersut iluarsartuunnissaannut, pitsanngorsaaffiginissaannut imaluunniit allilernissaannut taarsigassarsianik ingerlaavartumik tunniussisarnissamut kommunalbestyrelsi piginnaatinneqassasoq aalajangersakkatigut piginnaatitsissutaavoq.

Imm. 1-imut

Inissiat pioreersut iluarsartuuttarnissaannut, pitsanngorsaaffigisarnissaannut alliliiffigisarnissaannullu kommunalbestyrelsip taarsigassarsianik ingerlaavartumik tunniussisarnissaa piginnaatitsissutaassasoq siunnersuutigineqarpoq, takuuk kapitali 3-4.

Kommunalbestyrelsi kapitalit 3-4 malillugit inissiat pioreersut iluarsartuuttarnissaannut, pitsanngorsaaffiginissaannut allilernissaannullu mikinerusunik taarsigassarsititsisinnaavoq. Taarsigassarsiat malittarisassat atuuttut malillugit sulinerit taarsigassarsiffigineqarsinnaasut suliarineqareerpata aamma illuummut uppersaatinut qularnaveeqqusiinermut uppersaat nalunaarsorneqareerpata atsaat tunniunneqarsinnaassapput.

Taarsigassarsititsinissamut neriorsuinerit ingerlaavartumik tunniuttarnerat aatsaat pisinnaavoq, sulinermut suliarineqartumut atortunullu tunniunneqartunut sanaartortitsisartumit akiliuteqarnerit tunngavigalugit. Akiliuteqarnissamut pilersaarut imaluunniit siumoortumik tunniussineq atorlugu akiliutigineqartut allatut ittut naapertorlugit taarsigassarsianut neriorsuinerit ingerlaavartumik tunniussisoqarsinnaanngilaq.

Aalajangersagaq kommunalbestyrelsimut piginnaatitsissutaavoq. Taarsigassarsianut qinnuteqartoq kommunalbestyrelsip taarsigassarsianut neriorsuutit ingerlaavartumik tunniussisarnissaanut inatsisitigut piumasaqarsinnaanngilaq. Tamanna qanoq annertutigisumik taarsigassarsianut neriorsuutip ingerlaavartumik tunniuttarnissaanut kommunalbestyrelsip suleriaasianik tunngaveqarpoq. Kommunalbestyrelsip assersuutigalugu sulisimanernut atortunullu tunniunneqartunut tunngatillugu sanaartortitsisartumut missingerlugu iluanaarutissanut ilanngaateqareernikkut suunngitsumik ingerlaavartumik akiliuteqartoqartarnissaa aalajangersinnaavaa. Allaffissornikkut periaatsip aalajangersaaffiginerani sanaartortitsisup sanaartugassanik suliassinneqartartullu aningaasaqarnikkut atugarisaannut isummertoqartussaassaaq.

Naalakkersuisut kommunalbestyrelsiluunniit assersuutigalugu taarsigassarsinissamut neriorsuutit ingerlaavartumik tunniunneqartannginnissaannut aalajangiisinaapput. Taarsigassarsinissamut neriorsuutit ingerlaavartumik tunniuttarnissaannut allaffissornikkut periutsimut Naalakkersuisut imaluunniit kommunalbestyrelse ataatsimut aalajangereerpata tamanna pillugit qinnuteqaatit ataasiakkaat tigussaasumik immikkullu suliarineqartartussaassapput.

Imm. 2-mut

Taarsigassarsinissamut neriorsuinerup ingerlaavartumik tunniuttarnissaanut kommunalbestyrelsi akuersissappat akiliuteqarnissaaq pillugu piumasaqarneq taarsigassarsisumut nassiunneqassaaq. Taarsigassarsisoq taamaalilluni tunniunneqartunik ingerlaavartunik, taamaalillunilu kommuunimut akiitsunut tunngasunik pilersitsinissamut akuersisimassaaq. Akiliisoqarnissaaq pillugu kommunalbestyrelsimut piumasaqarnerit sanaartortitsisartumut nassiunneqarsinnaanngillat.

Sanaartortitsisartup suliqaarsimanernut atortussanullu tunniunneqartunut allakkatigut uppersaasarnissaa siunnersuutigineqarpoq.

Imm. 3-mut.

Taarsigassarsianut neriorsuinerup ingerlaavartumik tunniuttarnissaani § 33-mi piumasarineqartunik naamassinnittarnissamut taarsigassarsisup pisussaaffianik allanngortitsinngillat. Taarsigassarsisoq sanaartornermut naatsorsuutit, qularnaveeqqusiinermut allagartamik piumasaqarfiumngitsumik, sanaartornermut sillimasiinernik pisariaqarpallu atuilernissamut akuersisummik uppersaakkanik takutitsiuassaaq.

Imm. 4-mut

Sulineq naammassereerpat taarsigassarsisup uppersaatissanik piffissalerlugu saqqummiisarnissaanik kommunalbestyrelsip peqqusinnaavaa. Piffissaliussaq qaangerneqarsimappat taarsigassarsiat akilernissaannut piffissaliussaq ingerlaannaq atorunnaassaaq.

Imm. 5-imut

Kommunalbestyrelsip taarsigassarsisup uppersaatissanik nassiussinissaanut piffissaliussap sivitsuiffiginissaa aalajangersinnaavaa. Piffissaliussap sivitsuiffiginera assersuutigalugu kommunalbestyrelsimut qularnaveeqqusiinermut allakkap nalunaarsornissaanut suliamik suliarinninnissamut piffissaliussap sivilunerusup kingunerisaanik pisariaqarsinnaavoq.

Nr. 9-mut

Aalajangersakkatigut erseqqissarneqarpoq inissiap annertussusaa qanoq isillugu naatsorsuiffigineqassanersoq, matumani inissiaq iluatigut tummeralerlugu sananeqarsimappat.

Imm. 5-imut

Inissiami inissiap iluani majuartarfiit pilersinnissaanut atugassamik quleriaat immikkoortillugit ammaneqarnissaa inissiap angissusaata ilaanut ilanngullugu naatsorsuiffigineqartussaammat erseqqissarneqassaaq. Natip quleriaani majuartarfiit inissisimaffianiilluni aallartittup inissiap angissusaata naatsorsuiffiginerani aamma ilanngullugu naatsorsuiffigineqartartussaammat tassunga peqatigitillugu erseqqissarneqarpoq. Inissiaq pingasunik quleriaalerlugu sananeqartoq quleriaat siullianni natermut ilanngullugu naatsorsuiffigineqartussaavoq kiisalu quleriaat siulliup tulliatu akornanni aamma quleriaat aappaata pingajuatalu akornanni quleriaat avissaaqqaneranni ammanilerlugu.

Nr. 10-mut

Imm. 6-imut

Sanaartorneqartup ilusaata pisariaqartissimappassuk inissiap angissusaata tapiiffigineqarsinnaasup naatsorsuiffiginissaa pillugu malittarisassanik Naalakkersuisut immikkut akuersissuteqarsinnaammata erseqqissarneqassaaq. Assersuutigalugu inissiaq eqqortunik sammivilersorlugu sananeqarsimangippat imaluunniit allatut pilersaarutitut aaqqiissutissanut misilittaaffiusimappat tamanna eqqarsaatigilluagassaaq.

Nr. 11-imut

Kingumut ernialiinermi erniap Naatsorsueqqissaartarfiup atuisunut akigititanut naleqqersuutaanik tunngaveqassasoq siunnersuutigineqarpoq.

Siunnersuutip kinguneraa taarsigassarsisup piffissamik sioqqutsilluni ullutsinni nalimut taarsigassarsianik inaaraluni akiliinissamut periarfissaqarnera. Tamanna isumaqarpoq taarsigassarsiarineqartut nalingata naatsorsuiffiginerat piffissami akiliisitsiniarfimmi taarsigassarsiani akilersuiffissami sinneruttut aningaasat naleerukkiartornerat eqqarsaatigineqassasut.

Massakkut naliusup naatsorsuiffiginissaa Naatsorsueqqissaartarfiup atuisunut akigititamut naleqqersuutaanik tunngaveqassasoq siunnersuutigineqarpoq. Ernialiinermi erniaritinneqartoq Naatsorsueqqissaartarfiup kingullermik piffissamut qaammatinut 12-inut atuisunut akigititanut naleqqersuutaa 1 procentpointimik ilallugu allanngortitsinera naatsorsuiffigineqartoq atorlugu aalajangersarneqassasoq siunnersuutigineqarpoq.

Piffissaq sioqqullugu inaaraluni akiliinissamut noqqaaneq siusinnerpaamik taarsigassarsiasat tunniunnerisa ukiut tallimat qaangiunnerisigut aatsaat saqqummiunneqarsinnaavoq. Ernialiinernik kingumut nuussinerni taamaallaat taarsigassarsiarineqartut ernialersugaanngitsut akilersugassaanngitsullu piffissalerneranni piffissamut sinneruttumut ilaasinnaapput. Ernialiinernik kingumut nuussinerit taamaasillutik ukiuni 15-ini amerlanerpaamik ilaasinnaapput.

§ 37-mi allannguinerit Illuliortiternernut aningaasalersuisarneq pillugu Inatsisartut inatsisaat imaluunniit illuliortiternernut aningaasalersuisarneq pillugu siusinnerusukkut inatsisaasimasut naapertorlugit inissiat nutaat sananissaannut pisortanit taarsigassarsiaritinneqartunut tamanut atorneqartarnissaat siunnersuutigineqarpoq, taamaalilluni ernialiinermi erniaritinneqartoq atuisunut akinut naleqqersuutip allanngornera tunngavigalugu aalajangersarneqarsinnaassammat.

Manna tikillugu suleriaaseq malillugu ernialersugaanngitsumik atugassarititat atorlugit pisortat taarsigassarsiarititaat akileraaruteqaataasussaannngitsutut isigineqarput, matumani qanoq nalillit, erniaqartitsinnginnerit akilersuisussaannnginnerillu isikkoqarnerisut apeqqutaatinnagit. Suleriaaseq manna tikillugu atorneqartoq malillugu naatsorsuutigineqarpoq ullutsinni nalimut kingumut naatsorsuineri taarsigassarsiat atsiorneqarnerisa angissusiannik appaaneq akileraarutaasussaannngilaq.

Nr. 12-imut

Qularnaveeqqusiinermut allagartat akiitsunullu allagartat Illuliortiternernut aningaasalersuisarneq pillugu Inatsisartut inatsisaat massakkut atuuttoq imaluunniit siusinnerusukkut illuliortiternernut aningaasalersuisarneq pillugit inatsisaasimasut naapertorlugit pisortanit taarsigassarsiarineqartunut ilaasumik pisortanut tunniunneqartut kaaviiartitanut, qularnaveeqqusiinernut imaluunniit akiligassanik malersuinissanut atorneqartassanngitsut siunnersuutigineqarpoq.

Qularnaveeqqusiinermut allagartaq ilumoortoq tammartuussagaluarpas akiligassalik qularnaveeqqusiinermut allagartaq naapertorlugu allanngussanngitsoq qularnaarneqartussaavoq, taamaammallu pisortani oqartussa qularnaveeqqusiinermut allagartami erseqqissarneqartoq pineqaannartussaavoq.

Inatsisitigut aqqissuussinerup malitsigissagaa Kalaallit Nunaanni Eqqartuussiviup qularnaveeqqusiinermut allagartat tammartut pisortanut tunniunneqartut pisortani oqartussap uppersaanera tunngavigalugu peerneqarsinnaassasut nalilernerqarpoq, tamakkumi nalunaarsuinerup malittarisassaq (Pisinnaatitaaffinnik nalunaarsuvik) naapertorlugu qularnaveeqqusiinermut allagartanut tammartunut pisinnaatitaaffiuvoq. Aqqissuussineq manna suleriaaserineqartumut Kalaallit Nunaanni Eqqartuussivimmit akuerineqartumut naapertuuttussaavoq, matumanilu taarsigassarsititsisarfinnut allagartat tammartut suujunnaarsittarnissaat pineqarpoq Danmarkimilu pigisanik nalilersuinerup inatsimmi (tinglysningslov) § 11, imm. 2-mik atuuttumik atuisarnissamut tunngalluni.

§ 2-mut

Imm. 1-imut

Allannguutissatut siunnersuut ullormi 1. december 2024 atuutilissasooq siunnersuutigineqarpoq.

Imm. 2-mut

Allannguinerit Illuliortiternernut aningaasalersuisarneq pillugu Inatsisartut inatsisaat imaluunniit illuliortiternermut aningaasalersuisarneq pillugu siusinnerusukkut inatsisaasimasut naapertorlugit taarsigassarsianut pioreersunut Naalakkersuisunit kommunalbestyrelsinilu tunniunneqartunut atorineqassapput, taamaattoq takuuk imm. 4.

Allannguutissatut siunnersuut imarisamigut taarsigassarsianut kommunalbestyrelsimiit tunniunneqartunut malittarisassiorfiussappat taarsigassarsianut Naalakkersuisunit tunniunneqartunut aalajangersagaq assinganik atorineqassaaq. Naalakkersuisut taarsigassarsianut Naalakkersuisunit tunniunneqartunut atasunut sulianik suliarinninnissamik isumagisaqarput.

Imm. 3-mut.

Allannguinerit Illuliortiternermut aningaasalersuisarneq pillugu Inatsisartut inatsisaat imaluunniit illuliortiternermut aningaasalersuisarneq pillugu siusinnerusukkut inatsisaasimasut naapertorlugit taarsigassarsianut Naalakkersuisunit kommunalbestyrelsinilu tunniunneqartunut neriorsuisimanernut pioreersunut atorineqarsinnaassapput.

Allannguutissatut siunnersuut imarisamigut taarsigassarsianut kommunalbestyrelsimiit nalunaarutigineqartunut malittarisassiorfiussappat taarsigassarsianut Naalakkersuisunit nalunaarutigineqartunut aalajangersagaq assinganik atorineqassaaq. Naalakkersuisut taarsigassarsianut Naalakkersuisunit nalunaarutigineqartunut atasunut sulianik suliarinninnissamik isumagisaqarput.

Imm. 4-mut

Piffissaq sioqqullugu taarsigassarsianik akiliisarneq pillugu qinnuteqaat allannguutissatut siunnersuutip atuutillerna sioqqullugu pisortanut nassiunneqartoq tamanna pillugu qinnuteqarfiusumi malittarisassat atuuttut tunngavigalugit suliarineqartassaaq.

Taarsigassarsisoq pisortanit taarsigassarsiaritinneqartut inissiat nutaat sananissaannut tunniunneqartut taarsigassarsiat tunniunneqarneranniit ukiut tallimat qaangiunnerisigut siusissukkut akiliisitsiniarnissaq pillugu siusinnerpaamik qinnuteqaammik tunniussisinnaavoq. Pisortanit taarsigassarsiaritinneqartut assersuutigalugu ullormi 1. februar 2020 tunniunneqarsimappata siusissukkut akiliisitsiniarnissaq pillugu qinnuteqaat siusinnerpaamik ullormi 1. februar 2025 nassiunneqarsinnaassaaq. Qinnuteqartoq assersuutigalugu ullormi 30. november 2024 qinnuteqaammik nassiussinermi malittarisassat atuuttut malillugit piffissami qinnuteqarfiusumi qinnuteqaatini suliaritissinnaassanngilaa.

Siunnersuut inatsisinut atuuttunut assersuullugu	
<i>Oqaasertaliunneqartut atuuttut</i>	<i>Siunnersuut</i>
§ 1. Inatsisartut inatsisaat una illunik sanaartornermut, iluarsaassinermut, allilerinermit pitsanngorsaanerimullu taarsigassarsinermit tapiiffigitinnerimullu atorneqarpoq. <i>Imm. 2.</i> Inissianut inuussutissarsiutinik ingerlatsiffigineqartussanut imaluunniit ingerlatsiviusunut taarsigassarsisitsisoqarsinnaanngilaq tapiiffigineqarsinnaanatillu. Inuussutissarsiutilli mikisut namminersorfiusullu ilaanngillat. <i>Imm. 3.</i> Inissianik sanaartornermut, iluarsartuussinermit, allilerinermit pitsanngorsaanerimullu pisortanit tapiiffigineqartut, tapiissutit imaluunniit aningaasalersuineq pillugu inatsisinut allanut ilaasunut inissianut taarsigassarsisitsisoqarsinnaanngilaq.	§ 1 1. § 1, imm. 2 imatut oqaasertalerneqarpoq: ” <i>Imm. 2.</i> Inissianut piginnittumiit imaluunniit attartortumiit taassumalu inoqutigiiivinit najukkatut atorneqartunut tunngatillugu siunertanut allanut tamakkiisumik ilaannakortumilluunniit atorneqartussamut imaluunniit eqqarsaataasumut atorneqartussamut taarsigassarsianik tapiissutinilluunniit tunniussisoqarsinnaanngilaq. Taamaattoq inuussutissarsiutit namminersortut mikinerusut piginnittumit imaluunniit attartortumit taassumalu inoqutigiiivinit ingerlanneqartut mininneqarput.”
	2. § 11-p kingorna ilanngunneqassaaq: “ § 11 a. Kommunalbestyrelsi taarsigassarsiaareersunut illuutip niuerfinni nalingata pisortani taarsigassarsiarineqartut illuummi qularnaveeqqusinikkut qularnaarneqartut 90 %-iannik annerpaamik ilanngaaffiginerinut ataqqinninnermut tulleriiaarinnermullu uppersaasinnaavoq. Taamaattoq illuutinut ukiut 20-t sinnerlugit pisoqaassusilinnut tunngatillugu taarsigassarsiaareersut illuutip niuerfinni nalingata 80 %-iannut

	annertussusilerneqarsinnaapput, matumani illuummi qularnaveeqqusiinikkut pisortani taarsigassarsiarineqartut inerneranni ilanngaateqarnikkut. <i>Imm. 2.</i> Kommunalbestyrelsip ataqqinninnissamut tulleriiarinermullu uppersaanissaani illuummi akiligassanngortunut allanut kingusinnerusukkullu akiligassanngortunut assinganik nukingisaarinissamut uppersaasoqarnissaanik piumasaqarfiupput. <i>Imm. 3.</i> Illuutip pisoqaassusaa illuummut atuinnissamut akuersissutaagallartumut ulluliunneqartoq atorlugu naatsorsorneqassaaq. <i>Imm. 4.</i> Illuutip massakkut niuerfinni nalinga illuutitut nalilersuinerit marluk agguaqatigiissitsinermut tunngasut illuutitut sullissisartunit ilisimasalinnit suliarineqartut atorlugit naatsorsuiffigineqassaaq, taakkualu illuutit aalaakkaasut najugaqarfissatut pisiarisarnerannut tuniniartarnerannullu suliaqassapput. Illuutitut nalilersuinerit piumasaqaatit pisarnek malillugu atorneqartut malillugit aamma nangaassuteqarnani, piumasaqaateqarnani imaluunniit inniminniinani aammalu piffissap qaammatit 3-6 iluani tunineqarsinnaanissaat naatsorsuutigalugu aningaasat atorlugit tunisinertut suliarineqassapput. Illuutitut nalilersuinerit ataqqinninnissamut tulleriiarinissamut uppersaanissamut qinnuteqaatit sioqqullugit kingusinnerpaamik ullut qaammatisiuteqarfiusut 14-it qaangiutsinnagit suliarineqareersimassapput. ”
§ 12. Kommunalbestyrelsip §§ 5-8 naapertorlugit taarsigassarsiarititai akiligassaatinneqassapput:	3. § 12, imm. 1 nr. 5 ima oqaasertalerneqassaaq: ”5) Inissiaq taarsigassarsisumut imaluunniit

1) Erniat aamma taarsigassarsianut akilersuutit akilernerqanngippata, aamma illumi aalajangersimasumi erniat taarsigassarsialluunniit akilersuutit akilernerqanngippata aamma illumi qularnaveeqqusiussaqarluni taarsigassarsinermi allagartaq naapertorlugu erniat akilersuutillu akilernissaat pillugu maleruagassat malillugit piffissaliussap naanissaa sioqqullugu akiligassanik akilinngisanik taarsigassarsisoq akiliisimanngippat, takuuk qularnaveeqqusiisarneq pillugu Kalaallit Nunaannut inatsit. 2) Taarsigassarsisoq inissiamik illersorneqarsinnaasumik aserfallatsaaliisimanngippat, paasineqarpallu kommunalbestyrelsip qularnaveeqqusiissutikkut qulakkeeriffigisaa taamaalilluni ajornerulersoq. 3) Taarsigassarsisup inissiaq ikuallattoornissamut illullu ajoqusersinnaaneranut sillimmasersimanngippagu. 4) Inissianik attartorneq pillugu inatsisartut peqqussutaanni attartortitsineq pillugu aalajangersakkanut akerliusunik inissiamik taarsigassarsisoq attartortitsippat. 5) Inissiami ineeqqanik inuussutissarsiutinut atugassamik ilusilersuisoqassaaq imaluunniit inissiamit inuussutissarsiummik ingerlatsisoqassaaq. Inuussutissarsiutilli mikisut namminersorfiusullu ilaangillat. 6) Taarsigassarsisoq piginnittut nikinneri pillugu taarsigassarsisitsisumut nalunaaruteqanngitsoorpat aamma pisunik utoqqatsissutaasinnaasunik peqanngippat. 7) Piginnittut nikinnerini piginnittut nikinnerini akiliummik taarsigassarsisoq akiliinngitsoorpat. <i>Imm. 2.</i> Imm. 1, nr. 4 taamaaqataanik atorneqassaaq inissiaq inatsisitigut	attartortumut taassumalu inoqutigiivinit najugaqarfissatut atornagu siunertanut allanut tamakkiisumik ilaannakortumilluunniit atorneqassaaq. Taamaattoq inuussutissarsiutit mikinerusut namminersortut taarsigassarsisumit imaluunniit attartortumit taassumalu inoqutigiivinit ingerlanneqartut mininneqarput.”
--	---

pisinnaatitaasumut pisussaatitaasumullu attartortinneqarpat.	
§ 18. Kommunalbestyrelsip taarsigassarsisitsinera § 13 naapertorlugu akiligassaajunnaassaaq: 1) Taarsigassarsisoq inissiamik illersorneqarsinnaasumik aserfallatsaaliisimanngippat, kommunalbestyrelsillu paasippagu kommunalbestyrelsip qularnaveeqqusiissutikkut qulakkeeriffigisaa taamaalilluni ajornerulersoq. 2) Taarsigassarsisup inissiaq ikuallattoornissamut illullu ajoqusersinnaaneranut sillimmasersimanngippagu. 3) Inissianik attartorneq pillugu inatsisartut peqqussutaanni attartortitsineq pillugu aalajangersakkanut akerliusunik inissiamik taarsigassarsisoq attartortitsippat. 4) Inissiami ininik inuussutissarsiornermut aaqqissuussisoqarsimappat imaluunniit inissiamiit inuussutissarsiummik ingerlatsisoqarpat. Inuussutissarsiutilli mikisut namminersorfiusullu ilaanngillat. 5) Inissiaq taarsigassarsisitsisumut initut atorneqanngippat. <i>Imm. 2.</i> Imm. 1, nr. 3 taamaaqataanik atorneqassaaq inissiaq inatsisitigut pisinnaatitaasumut pisussaatitaasumullu attartortinneqarpat.	4. § 18, imm. 1, nr. 4 ima oqaasertalerneqassaaq: ”4) Inissiaq taarsigassarsisumit taassumalu inoqutigiivinit najugaqarfiginagu siunertanut allanut tamakkiisumik ilaannakortumilluunniit atorneqarsimappat. Inuussutissarsiutit mikinerusut namminersortut inissiamik piginnittumit taassumalu inoqutigiivinit ingerlanneqartut taamaattoq mininneqarput.”
§ 24. Kommunalbestyrelsip § 19 naapertorlugu taarsigassarsisitsinera aamma akiligassanngortinneqassaaq: 1) Taarsigassarsisup inissiaq ikuallattoornissamut illullu ajoqusersinnaaneranut sillimmasersimanngippagu. 2) Inissiaq attartortinneqarpat. 3) Inissiaq utoqqalinersiuteqartumut initut	5. § 24, imm. 1, nr. 4 ima oqaasertalerneqassaaq: ”4) Inissiaq piginnittumut taassumalu inoqutigiivinit najugassatut atornagu siunertanut allanut tamakkiisumik ilaannakortumilluunniit atorneqassaaq. Taamaattoq inuussutissarsiutit namminersortut mikinerusut inissiamik piginnittumit taassumalu inoqutigiivinit

atorneqanngippat. 4) Inissiami ininik inuussutissarsiornermut aaqqissuussisoqarsimappat imaluunniit inissiamiit inuussutissarsiummik ingerlatsisoqarpat. Inuussutissarsiutilli mikisut namminersorfiusullu ilaanngillat.	ingerlanneqartut ilaanngillat.”
§ 27. Inissianik nutaanik sanaartornissamut qinnuteqaatit allakkatigut kommunalbestyrelsimut nassiunneqassapput. <i>Imm. 2.</i> Qinnuteqaammut ilanngunneqassapput: 1) Pilersaarummut nassuiaat inissiat amerlassusaannut inissiamullu ataatsimut inissiap annertussusaa pillugu paasissutissanik imaqartoq. 2) Sanaartornermi aningaasartuutitut tamakkiisunut missingersuutit. 3) Kommunalbestyrelsimiit nunaminertamik immikkoortitsineq imaluunniit nunaminertamik tunineqarneq. 4) § 9 naapertorlugu nammineerluni aningaasaliinissap piviusunngortissinnaaneranut uppersaaneq. 5) § 1, imm. 3 naapertorlugu Inatsisartut inatsisaanni uani imaluunniit inatsisini allani malittarisassat malillugit qinnuteqartup allanik taarsigassarsianik pioreersunik pigisaqannginneranut uppersaaneq. 6) Qinnuteqartup inuup normua, najugaqarnermut uppersaataa imaluunniit allatut ersarissumik uppersaateqarnissaa. 7) Qinnuteqartup pisortanut akiitsoqarnera pillugu Akiliisitsiniarnermut oqartussaniit oqaaseqaat. <i>Imm. 3.</i> Qinnuteqaatit nassiunneqartut tunngavigalugit qinnutigineqartut akuerineqarsinnaanerannut kommunalbestyrelsi isummissaaq.	6. § 27, imm. 1, nr. 6 ima oqaasertalerneqassaaq: "6) Qinnuteqartup inuup normua, CVR-normua, najugaqarnermut uppersaataa imaluunniit uppersaata alla kinaassutsimik erseqqissumik takutitsisoq.
§ 33. Sanaartorneq, iluarsaassineq,	7. § 33 imm. 1-ip kingorna immikkoortutut

pitsanngorsaaneq imaluunniit allilerineq naammassineqarpat aamma sanaartornermi naatsorsuutit uppersarneqarsimasut aamma qularnaveeqqusiussaarluni taarsigassarsineri allagartap uparuagassartaqanngitsup naqeqqaarneranik nalunaarsorneqarsimasup naqissuserneqarsimasullu kiisalu ikuallattoornissamut illullu ajoqusernissaanut sillimmasiisimanermut uppersaartip takutinneqarnerisigut taarsigassarsiat tunniunneqassapput. Taamaattorli aningaasaliissutit kommunalbestyrelsip missingersuusiutut akuerisaanni ukiumi ilanngunneqarfianni ukiumi siusinnerpaamik taarsigassarsiat tunniunneqarsinnaallutik. <i>Imm. 2.</i> Sanaartornermi allilerinermilu taarsigassarsiat pissarsiarineqarnissaannut aamma piumasarineqarpoq atulernissaanut akuersissuteqarnissaq.	nutaatut ilanngunneqassaaq: ” <i>Imm. 2.</i> Sanaartukkanut naatsorsuutini aningaasartuutit tamarmiusut sananermut, iluarsaanermut, pitsanngorsaaneermut alliliinermulluunniit atassutillit ilaatinneqassapput. Sanaartukkanut naatsorsuutit kukkundersiuisartumit nalunaarsorneqartumit, kukkundersiuisumit naalagaaffimmit akuerisaasumit imaluunniit Kalaallit Nunaanni aningaaserivimmit uppersarneqarsimassapput.” <i>Imm. 2</i> matuma kingorna tassaalerpoq <i>imm. 3</i>.
	8. § 33 -ip kingoma ilanngunneqassaaq: ” § 33 a. Kommunalbestyrelsi § 33 apeqqutaatinnagu taarsigassarsiat kapitali 3-4-mi ilaasut tamakkiisumik ilaannakortumilluunniit ingerlaavartumik tunniuttarnissaanut aalajangiisinnaavoq aamma sulisimanermut atortussanullu tunniunneqartartut sanaartortitsisartumit akiligassiissutit naleqqussarnissaannut tunngatillugu. § 34 allanngornani atuutiinnassaaq. <i>Imm. 2.</i> Akiligassiissutit akilerneqarnissaa pillugu piumasaqarneq taarsigassarsisumit aamma sanaartugassanik suliassinneqartartumiit uppersaammik atsiukkamik ilallugu kommunalbestyrelsimut nassiunneqassaaq, tassanilu sulinerit atortussallu akiligassiissutitallit suliarineqarsimanerannut sanaartorfimmullu tunniunneqarsimanerannut

	sanaartortitsisartumit uppersarsaaneq ilanngunneqassaaq. <i>Imm. 3.</i> Taarsigassarsisoqarnissaanut neriorsuutip suliarinera ilanngullugu suliarineqareerpat taarsigassarsisoq piaartumik aamma piffissaliussaq kommunalbestyrelsimit aalajangersagaq nallertinnagu uppersarsaatissanik § 33-mut ilaasunik pisariaqartinneqartunik nassiussissaaq. <i>Imm. 4.</i> Imm. 3 naapertorlugu piffissaliussaq qaangerneqarsimappat taarsigassarsiat ingerlaannartumik akiligassannagortinneqassapput. <i>Imm. 5.</i> Kommunalbestyrelsip immikkut pisoqarsimatillugu imm. 3 malillugu piffissaliussaq aalajangersarneqartoq sivitsuiffigisinnaavaa.”
§ 35. Inissiap annertussusaa inissiami init tamarmik annertussusaattut naatsorsorneqassaaq, tak. imm. 2. Pequusiviit, quit, biilnut oqqussiviit, aneerasaartarfiit imaluunniit biilit unittarfii, illup silammut iigaasa avataaniittut imaluunniit inissiamit immikkoortillugit inissitat naatsorsuinermit ilanngunneqassanngillat, taakku oqorsarlugit inigisassatut atorneqassanngippata. <i>Imm. 2.</i> Inissiap annertussusaa imatut naatsorsorneqassaaq: 1) Naqqup ataani inigisap annertussusaa, naqqup ataata silammut iigaaniit takissusaa silissusaanut amerlisillugu, uuttorneqassaaq. Naqqup ataa tamakkerluni atorneqanngippat, inissiap annertussusaa illup iluani iikkat ininik immikkoortitsissutaasut qeqqaniit uuttuisoqassaaq. Init naqqi tamakkerlutik cementimik betonimilluunniit qalligaanngitsut naatsorsuinermit ilaatinneqassanngillat.	9. § 35, imm. 5 ima oqaasertalerneqassaaq: ” <i>Imm. 5.</i> Imm. 2-4 malillugit inissiap annertussusaata naatsorsuiffiginerani inissiami majuartarfinnut ilanngaateqartitsisoqassanngilaq. Iserterfiit, majuartarfiit majuartarfiillu sangoriaat ataatsimut atorneqartut, illup silammut iigaasa iluini inini kiassakkani inissisimasut angissusaannut naapertuuttumik uuttortaanermut ilanngunneqassapput, taamaattorli annerpaamik 11 kvadratmeterinik annertussusilerneqassallutik. 10. § 35-mi imm. 6-itut ilanngunneqassaaq: <i>Imm. 6.</i> Naalakkersuisut sanaartornermi iluserineqartut tulluarterpassuk imaluunniit pisariaqartippassuk inissiap annertussusaanut imm. 2-5-imut saneqqutsisut naatsorsuiffiginissaannut akuersissuteqarsinnaapput.”

2) Inissiap quleriinnerni init quleriinni nalinginnaasumiittut inissiami ataatsimi silami iikkamiit imaluunniit qaliata silataani iikkamiit, tak. imm. 3, aamma inissiap avinnerata qeqqaniit annertussuseq uuttorneqassaaq. Ilaqutariinnut arlalinnut inissiani illup isui naatsorsuinermi inissiat akunnequtaasa affaattut ilanngunneqassapput. Qisuit qalliutit marluuppata, silataani qisummit allermiit uuttuisoqassaaq. Qisuit qalliutit ataasiuppata marluuppataluunniit silataani qisummit allermiit uuttuisoqassaaq. 3) Qaliani inigisap annertussusaata naatsorsornerani illup takissusaa silissusaanut amerlisillugu naatsorsorneqassaaq. Takissusaa inini quleriiaani ataatsitut nalinginnaasutut uuttorneqassaaq, silissusaalu illup silataani qaliat qaavisa qaliap naqqaniit 1,5 meterinik portussuseqartut akornanni ungasissusaattut uuttorneqassalluni. Ilassutit, soorlu aniinganerit, iikkat inimut killiliissutaasut silataannit uuttorneqassapput. <i>Imm. 3.</i> Naqqup ataani qalianilu init imm. 2, nr. 1-imi aamma 3-mi taaneqartut aatsaat najugassatut ilusilersorneqarsimappata, init annertussusaat uuttortaanermut ilanngunneqassapput. <i>Imm. 4.</i> Periarfissat aalajangersimasumik nateqanngitsut ilanngullugit naatsorsuiffiqineqanngillat, taamaattoq imm. 5 takuuk. <i>Imm. 5.</i> Inissiami majuartarfiit quleriaanut immikkut ilanngullugit naatsorsuiffiqineqassapput. Iserterfiit, majuartarfiit majuartarfiillu sangoriaat ataatsimut atorneqartut, illup silammut iigaasa iluini inini kiassakkani inissisimasut angissusaannut naapertuuttumik uuttortaanermut ilanngunneqassapput, taamaattorli annerpaamik 11	
--	--

kvadratmeterinik annertussusilerneqassallutik.	
§ 37. Inissianik nutaanik sanaartornermut taarsigassarsiaasunik piffissaq sioqqullugu taarsigassarsisup taarsigassarsianik inaaraluni akiliinerani akiitsut sinneri ullormi qinnuteqaatip tunniunneqarnerani 3 %-imik ernialerlugit Nationalbankip erniaritittagai ilanngullugit akilersukkat kingumut naatsorsorneqassapput. Akiitsut sinneri taarsigassarsisup allakkatigut inaarilluni akiliinissaq pillugu noqqaaneraniit aamma taarsigassarsiani piffissamut ernialersuiffiunanilu akilersuiffiusussaangitsumut sinneruttumut kingumut naatsorsorneqassapput, taamaattorli taarsigassarsiat tunniunneqarneranniit siusinnerpaamik ukiunut tallimanut.	11. § 37 ima oqaasertalerneqassaaq: ” § 37. Taarsigassarsianut inissiat nutaat sanaartornissaannut tunniunneqartunut taarsigassarsisup piffissaq sioqqullugu akiliinerani akiitsunut sinneruttut qinnuteqarfiusumut kingullermik atuisunut akit naleqqersuutaanni qaammatini 12-ini allanngortumi 1 procentpointimik ilallugu kingullermik Naatsorsueqqissaartarfimmi naatsorsuiffiginera atorlugu qinnuteqarnerup aallartiffianut naapertuuttumik kingumut akiligassanngortinneqassapput. Akiitsut sinneri taarsigassarsisup allakkatigut inaarilluni akiliinissaq pillugu noqqaaneraniit aamma taarsigassarsiani piffissamut ernialersuiffiunanilu akilersuiffiusussaangitsumut sinneruttumut kingumut naatsorsorneqassapput, taamaattorli taarsigassarsiat tunniunneqarneranniit siusinnerpaamik ukiunut tallimanut.”
	12. § 37-ip kingorna kapitali 6-im ilanngunneqassaaq: ” § 37 a. Namminersorlutik Oqartussanut nunatsinnilu kommuuninut qularnaveeqqusiussaqaarluni taarsigassarsititsinermut uppersaataat aamma akiitsunut uppersaataat illuliortiterneq pillugu Inatsisartut inatsisaat manna imaluunniit siusinnerusukkat inatsisaasut naapertorlugit tunniunneqartut kaaviiartitsinermut, qularnaveeqtitut imaluunniit akiliisitsisussamit malersorneqarnissamut atorneqarsinnaanngillat.”
	§ 2

	Inatsisartut inatsisaat ullormi 1. december 2024 atuutilissaaq. <i>Imm. 2.</i> Inatsisartut inatsisaanni Illuliortiternermut aningaasalersuisarneq pillugu Inatsisartut inatsisaat imaluunniit illuliortiternermut aningaasalersuisarnerit pillugit siusinnerusukkut inatsisaasimasut naapertorlugit taarsigassarsiat pioreersut Naalakkersuisunit kommunalbestyrelsimiillu tunniunneqartut ilaapput, taamaattoq imm. 4 takuuk. <i>Imm. 3.</i> Inatsisartut inatsisaanni Illuliortiternernut aningaasaliisarneq pillugu Inatsisartut inatsisaat imaluunniit illuliortiternernut aningaasalersuisarneq pillugu siusinnerusukkut inatsisaasimasut naapertorlugit ulloq 1. december 2024 sioqqullugu taarsigassarsinissamut neriorsuinerit Naalakkersuisunit kommunalbestyrelsimiillu nalunaarutigineqartut pioreersut ilaapput. <i>Imm. 4.</i> Taarsigassarsiat allannguutissatut siunnersuutip atuutilernissaa sioqqullugu siusissukkut akilersinniarnissaat pillugu qinnuteqaat § 37 atuussimasoq tunngavigalugu suliarineqassaaq aalajangiiffigineqarlunilu, taamaattoq ukiut 5 aatsaat qaangiutereernerisigut.
--	--

Tusarniaanermut allakkiaq

1. Illuliortitsinernut aningaasalersuisarneq pillugu inatsisip allanngortinnissaanut siunnersuut tusarniaanermut nittartakkami qallunaatut tamanut saqqummiunneqarsimavoq: aamma kalaallisut: aggustip 12-iani 2024, ullormut septembarip 9-ata. 2024 nal. 12.00-imut tusarniaanissamut piffissalerlugu.

Aggustip 12-iani 2024, ullormut septembarip 9-ata. 2024 nal. 12.00-imut tusarniaanissamut piffissalerlugu, ukununngalu nassiunneqarsimavoq:

Nassiussanut allattuiffik:

Naalakkersuisup Siulittaasuata Naalakkersuisoqarfia (govsec@nanoq.gl)
Aningaasaqarnermut Naligiissitaanermullu Naalakkersuisoqarfik (oed@nanoq.gl)
Innuussutissarsiutinut, Niuernermut, Aatsitassanut Naligiissitaanermullu
Naalakkersuisoqarfik (isiin@nanoq.gl & asn@nanoq.gl)
Aalisarnermut Piniarnermullu Naalakkersuisoqarfik (apn@nanoq.gl)
Isumaginninnermut, Ilaqutariinnut, Suliffeqarnermut Nunamullu Namminermut
Naalakkersuisoqarfik isn@nanoq.gl
Ilinniartitaanermut, Kultureqarnermut, Timersornermut Ilageeqarnermullu
Naalakkersuisoqarfik (ikin@nanoq.gl)
Nunalerinnermut, Imminut Pilersornermut, Nukissiuuteqarnermut Avatangiisinullu
Naalakkersuisoqarfik (pan@nanoq.gl)
Meeqqanut Inuusuttunullu Naalakkersuisoqarfik (ian@nanoq.gl)
Peqqissutsimut Naalakkersuisoqarfik (pn@nanoq.gl)
Kommune Kujalleq: (kommune@kujalleq.gl)
Kommuneqarfik Sermersooq: (kommuneqarfik@sermersooq.gl)
Qeqqata Kommunia (qeqqata@qeqqata.gl)
Kommune Qeqertalik (qeqertalik@qeqertalik.gl)
Avannaata Kommunia (avannaata@avannaata.gl)
Kalaallit Nunaanni Naalagaaffiup Sinniisoqarfia (ro@gl.stm.dk)
Ineqarnermut Naammagittaalliuuteqartarfik - Atuisoqarnermut Unammilleqatigiinnermullu
Aqutsisoqarfik (aua@nanoq.gl)
Nukissiorfiit (kundeservice@nukissiorfiit.gl)
Nusuka (nusuka2004@gmail.com)
Kalaallit Nunaanni Sulisitsisut (ga@ga.gl)
Kalaallit Nunaanni Politiit (grl-politi@politi.dk og grl-lesek@politi.dk)
SIK (sik@sik.gl)
PK-mut siulittaasoq (formanden@pk.gl)
Mittarfeqarfiit (mit@mit.gl)
Asiaq (asiaq@asiaq.gl)
AK (aknuuk@ak.gl)

IMAK (imak@imak.gl)

NPK (info@npk.gl)

ASG (asg@asg.gl)

KANUNUPE (kanunupe@gmail.com)

2. Tusarniaanissamut piffissaliussap naanerani siunnersuummut oqaaseqaateqarniatik makku nalunaaruteqarsimapput:

Tusarniaanissamut piffissaliussap naanerani xxxxxxxx-nannga oqaaseqaatit tiguneqarsimapput.

Tusarniaanermut akissutigineqartut tullinnguuttuni suliarineqassapput. Naalakkersuisut tusarniaanermut akissutitut ataasiakkaanut oqaaseqaataat equngasumik allannilerlugit erseqqissarneqarput.